

Tiv thaiv koj tus mos liab tawm tsam tus Mob Rau Daim Siab (Hepatitis) B

Kuv yuav tiv thaiv kuv tus mos liab tawm tsam tus mob rau daim siab (hepatitis) B tau li cas?

- Nws yog ib qho tseem ceeb uas yuav tau tiv thaiv txhua tus mos liab los ntawm tus kab mob hepatitis B. Kom tiv thaiv tau tus mob zoo, cov mos liab yuav tau txhaj peb koob tshuaj hepatitis B thaum ntxov hauv lub neej.
- Cov mos liab yuav tau txhaj thawj koob thaum yug los, koob thib ob thaum muaj 2 hlis, thiab koob thij peb thaum muaj 6 hlis.
- Thaum txhaj tas nrho peb koob lawm, hom tshuaj txhaj hepatitis B yuav muab tau txoj kev tiv thaiv puv ntoob rau cov me nyuam me.



Vim li cas cov mos liab thiaj yuav tau txhaj tshuaj tawm tsam tus mob rau daim siab (hepatitis) B?

- Cov me nyuam uas kis tau tus mob thaum yug los, los yog kis tau thaum tseem yau heev, yuav ua ib tus neeg muaj tus mob nyob hauv lawv mus li. Ib tus neeg uas muaj tus mob no yog tus uas muab tsis tau tus kab mob tshem kom ploj hauv nws lub cev mus.
- Txawm tias cov neeg uas muaj tus mob yuav zoo li noj qab nyob zoo los, lawv yuav kis tau tus kab mob rau lwm tus. Cov neeg uas ris tus mob nyob hauv lub cev no yuav muaj tau tus mob puas tsuaj rau daim siab thiab mob khees-xaws, thiaj tuag thaum hnuv nyoog tseem mos. Yog vim li no nws thiaj tseem ceeb heev mus txhaj tshuaj rau koj tus mos liab tawm tsam tus mob hepatitis B thaum tseem ntxov hauv lub neej.



Dab tsi yog cov cim qhia tias yog tus mob thiab cov tsos mob?

- Tus mob rau daim siab (hepatitis) B yog ib tus mob nyob ntsiag to, txhais hais tias kheev ua rau tsis pom muaj cov cim qhia | tias yog tus mob los yog cov tsos mob.
- Yog hais tias ib tus neeg muaj cov cim thiab cov tsos mob, nws yuav muaj xws li nkees/ qaug zog los yog zoo li pheej xav ntuav, tsis xav noj los yog haus dab tsi li, thiab/los yog daim tawv nqaij thiab ob lub qhov muag yuav daj tuaj, thiab mob thooob plaws ib ce.



Tus mob hepatitis B kis tau rau cov mos liab los yog cov me nyuam tseem yau li cas?

- Kis tau los ntawm cov ntshav ntawm leej niam uas muaj tus mob thaum yug los (thov saib hauv qab no kom paub ntxiv).
- Kis tau los ntawm cov kua dej hauv lub cev ntawm ib tus neeg uas muaj tus mob es zov tus me nyuam (xws li cov ntshav, nrog rau cov ntshav thaum lub caij coj khaub ncaws, cov kua phev, thiab cov kua dej ntawm poj niam qhov chaw mos)



Kuv yuav taug kom paub kuv tus mos liab cov tshuaj txhaj tau li cas?

- Koj tus me nyuam cov ntaub ntawv txhaj tshuaj yuav mus nrhiav tau hauv Wisconsin Immunization Registry (WIR). Mus saib <https://www.dhswir.org> thiab txav nqes mus rau ntawm qhov sau tias Public Immunization Record Access.
- Nqa cov ntaub ntawv no nrog koj txhua zaus koj mus ntsib koj tus kws kho mob los yog mus ntsib fab saib xyuas kev noj qab haus huv thaum mus txhaj tshuaj.



Dab tsi uas cov poj niam cev xeeb tub yuav tau paub?

- Ib tus poj niam uas cev xeeb tub kuj muaj tau tus kab mob hepatitis B nyob hauv nws lub cev yam tsis paub txog. Nws yuav muab tau tus kab mob rau nws tus mos liab thaum lub sij hawm yug tus me nyuam.
- Cov poj niam uas cev xeeb tub yuav tsum mus kuaj seb puas muaj tus mob hepatitis B tsawg kawg ib zaug txhua zaus uas nws cev xeeb muaj me nyuam. Lub tsev kho mob uas cov poj niam mus yug me nyuam yuav paub txog qhov kuaj tau seb yog li cas. Yog hais tias nws muaj tus mob, lub tsev kho mob cov neeg ua hauj lwm yuav tau siv cov kauj ruam los mus tiv thaiv tus kab mob kom txhob kis rau tus mos liab.
- Cov kauj ruam no muaj xws li muab qee yam tshuaj rau tus mob liab thiab hom tshuaj txhaj hepatitis B tsis pub dhau 12 xuj moos tom qab yug tau tus me nyuam los.

